

FILEMON

Filemon tuku waŋe Paulusŋge kuyarna

Paulus nu Filemon tuku waŋe kuyarna te tugunu teŋenmba.

Filemon nu taŋgo ande nyu ŋak. Nu Paulus tuku piro mbolŋge Yesus tina tukunu nu Paulus ndoŋ gulab mayenaik.

Onesimus nu Filemon tuku piro aŋaŋ taŋaŋ nu tugumŋge piya kugatok pirokina. O buk maŋau ta minna. Taŋgo sugo afu taŋgo pino piyaniŋmba kilmba nane miro taŋaŋ gabat minnaig. Piro mbal ta nane naŋgine sugo tugumŋge piroka piya kugatok naŋgine piro aŋaŋ taŋaŋ minnaig. Nane naŋgine wamdusmbi naŋgine sugo kusrekam kumuŋ kuga. Zu mbal sugo afu nane mata piro mbal taŋaŋ ŋak minnaig ta nane tukul ande dubiwanu ta teŋenmba. Yar 7 nane ndoŋ pirokanu le nane kusrekanu le kambinu.

Mara ande Onesimus nuŋe suŋgo Filemon ram kua ka ma kise mbol kina. Kumba ka taŋge nu Paulus te-silika nu tugumŋge pasa mayenu ismba Yesus tuku son ŋga ŋgamuŋgal biye mbilna. Taŋana le Paulus nu Onesimus kukulwa le luka nuŋe gabat tugum kuwa le Filemon nu gubra ŋak Onesimus te nda kikat ŋga nu waŋe te Filemon tuku kuyarna.

¹ O tira Filemon sile tuku piro tuma taŋgo kaiye. Ye Paulus ye Kristus Yesus tuku piro biyen tukunu kile ye muli wandekŋge minet. Ye sikile tira Timoteus ndoŋ ne tugum prowek. ² Yesus tuku kuasmbi ne tuku wandekŋge maŋgurkade, pino Apia, sile tuku tira taŋgo Arkipus nu sile taŋaŋ pasa mayenu tuku saŋgri tiŋga pirokate tane

ɲakmba tuku waɲe te kuyaret. ³ Singine Mam Kuate Sunjo Yesus Kristus ndoɲ nale tane ake sinaɲ make patika ɲgamuɲgal wamdus bul sertiɲguwaik. Son.

Paulus nu Filemon gare pasa tuna

⁴⁻⁵ O Filemon, ne Sunjo Yesus Kristus tuku kume tuku saɲgri tomba tiɲga nu tuku kume purte sulumba nu tuku mbal ɲakmba idusɲiɲgit ta nane afaɲge ne tuku wam kubede le ismba minet. Ta tuku ye Kuate yabaɲet ait mbolɲge ne idusnet sulumba Kuate gare pasa tuwet. ⁶ Naɲe ɲgamuɲgal son saɲgrinu ta nane afu ɲgamukɲge te-mayoka le nane kaɲgermba sine Yesus Kristus mbolɲge nyaro mayenu kileg ta kila patikuwaig ɲga idusmba yabaɲet. ⁷ Ese tira. Ne Yesus tuku mbal ɲakmba idusɲiɲmba turniɲgit le nane wamdus bulkade. Ye ne tuku maɲau mayenu ta ismba ye gare sunjo tumba wamdus saɲgri pileyate.

Paulus nu Onesimus tuku Filemon sana

⁸⁻⁹ O tira, ye ne tuku tira Paulus ne wam ande ka ɲga iduset. Ye Kristus tuku nyu mbolɲge ne wam ta ka ɲga sani ta ne pitaiwam kumuɲ kuga. Ne kam tuku. Sine ɲakmba tira kame tuku muɲgu kume purkeg. Ye wam ta idusmba ne ka ɲga sa ndanumba ake kusnanamɲgit. Ye Paulus ye buk saibo pilet. Ye Yesus Kristus tuku piro taɲgo tukunu ye muli wandek teɲge minet. Yeɲge ne kusnanamɲgit. ¹⁰ Onesimus nu ne tuku piro agaɲ taɲaɲ ye nu tuku ne kusnanamɲgit. Kile nu ye tuku kiɲo taɲaɲ minit. Ye muli wandekɲge nu Yesus tuku son ɲgam tuku ndin tumen le nu son ɲgina le ye nu tuku mam minet. ¹¹ Nu o buk ne ndoɲ minna ta nu kanyummba piro maye ndana. Kile nu piro mayenu kam tuku iduste. Ta tuku nu kile sile arɲeɲ sinzaɲsikam kumuɲ.

¹² Ye Onesimus tuku kume purmba nu kukulet le ne tugum ilit. ¹³ Ye pasa mayenu tuku muli wandeknge minet ta Onesimus nu ne tuku ma tumba ye turyuwa nga ngailkam iduset ta tajaig. ¹⁴ Ye ambonga ne kusnanam iduset. Ne naje wamdus dubimba wam mayenu ka nget.

¹⁵ O tira, ye tejenmba iduset. Onesimus ait fagnu ne kusrenina ta nu wam mayenu tumba ne ndoŋ minmba minam tuku nu taŋana inde. ¹⁶ Kile nu naje piro agaŋ taŋaŋ ndo kuga. Nu Yesus Kristus ndoŋ ulendika nu sine tuku tira ande. Nu ne tuku tira piro agaŋ taŋaŋ minit. Ta tuku ye nu iduset ta ne ye liyumba nu sunŋomba idusamngat.

¹⁷ Sile Kristus mbolŋge tuma minek ta idusmba kande Onesimus kaŋgermba ne ye tate taŋamba nu ta. ¹⁸ Nu ne mbolŋge mbar ande kina e ko ne tuku agaŋ ndende kilna le lafuwam tuku minwaig kande nu tuku nyu kuyaram tuku ma mbolŋge ye tuku nyu kuyara.

¹⁹ Ye Paulus yiŋe waimbi waŋe te kuyaret. Yeŋge lafuwamngit. Ne Kristus mbolŋge abo kitek tina ta ye tuku piro mbolŋge tina. Ta tuku ne wam ande ngailyam kumuŋ kuga ta ye ta tuku idus ndawet.

²⁰ O tira, ne Sunŋo Yesus idusmba ye tuku kusna te pitai ndamba turya. Sile Kristus mbolŋge tira minek ta alonu te-mayokmba ye tuku wamdus bul sera.

²¹ O tira, ne ye tuku pasa pitaiwe nda ta ye kila. Ye tuku kusna pasa te ne limba naje wamdusmbi sunŋomba kamngat nga ye idusmba waŋe te ne tuku kuyaret. ²² Ye tuku kinyam mbili ande wakeiwa. Tane ŋakmba ye tuku yabaŋmba minig tukunu Kuate nu ndin wakeiwa le mayok kambim tuku wamdus sunŋo ŋak minet.

²³ Epafras Yesus Kristus tuku piro taŋgo ye ndoŋ muli wande te sinamngge minek nu ne kaiye pasa tinit.

²⁴ Markus Aristarkus Demas Lukas yiye piro tuma mbal nane mata ne kaiye pasa tinig.

²⁵ Singine Sungo Yesus Kristus nu ake sinaṅ tane ṅakmba make patikuwa.

Son.

KUATE TUKU PASA
Portions of the Old Testament and The New Testament in the
Siroi Language of Papua New Guinea
Sampela hap Buk Baibel long tokples Siroi long Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709